

2000110013

3709; 9310

Siglingastofnun Íslands
Sigurður Sigurðarson
Vesturvör 2
200 Kópavogur

Reykjavík, 29. desember 2000
/PFP

**Efni: Lenging Stórubryggju í Grundarfirði og efnistaka af sjávarbotni í Grundarfirði.
Ákvörðun um matsskyldu.**

Vísað er til erinda Siglingastofnunar dags. 3. og 30. nóvember 2000, þar sem samkvæmt 6. gr. laga nr. 106/2000 um mat á umhverfisáhrifum er óskað eftir ákvörðun Skipulagsstofnunar um matsskyldu lengingu Stórubryggju í Grundarfirði og efnistöku af sjávarbotni í Grundarfirði, vegna þeirrar framkvæmdar.

Skipulagsstofnun leitaði álits Eyrarsveitar, Náttúruverndar ríkisins, Hafrannsóknastofnunarinnar, Hollstuverndar ríkisins, iðnaðar- og viðskiptaráðuneytis, Þjóðminjasafns Íslands og Breiðafjarðarnefndar og barst álit frá byggðaráði Eyarsveitar með bréfum dags. 22. nóvember og 18. desember 2000, Náttúruvernd ríkisins með bréfum dags. 23. nóvember og 14. desember 2000, Hafrannsóknastofnuninni með bréfi dags. 28. nóvember 2000, Hollstuvernd ríkisins með bréfi dags. 13. desember 2000, iðnaðar- og viðskiptaráðuneyti með bréfi dags. 13. desember 2000, Þjóðminjasafni Íslands með bréfi dags. 27. nóvember 2000 og Breiðafjarðarnefnd með bréfi dags. 20. desember 2000.

Fyrirhuguð framkvæmd samkvæmt framlögðum gögnum framkvæmdaraðila

Fyrirhugað er að lengja Stórubryggju með um 100 m langri og 40 m breiðri fyllingu, með stálþilskanti að innanverðu og ölduvörn að utanverðu. Framkvæmdin þjónar þeim tilgangi að bæta úr þörf a viðlegu- og löndunarplássi fyrir stór skip er rista 6 m eða meira og skjóta þannig styrkari stoðum undir atvinnulíf í Grundarfirði þar sem um 55 % starfa byggir á sjávarútvegi. Fram kemur að framkvæmdin auki einnig öryggi skipa og báta í höfninni þar sem ölduhreyfing verður minni.

Skipta þarf um efni undir væntanlegu stálþili og verður um 3.500 m^3 af efni dælt þaðan upp á fyllingarsvæðið. Gert er ráð fyrir að dæla um 100.000 m^3 af fyllingarefni af sjávarbotni, fyrir botni Grundarfjarðar og setja undir bryggjuna en að efni í garðinn verði síðan ekið út frá landi. Gert er ráð fyrir að kjarnaefni, um 38.000 m^3 , verði sótt í námu í Klifi, skammt vestan

Grundarfjarðar og efni í grjótvörn, 9.800 m³, annað hvort í námu í Efri-Höfða á Rifi eða í botn námu í Mjósundahrauni við austanverðan Kolgrafarfjörð.

Niðurstaða Skipulagsstofnunar

Um er að ræða hafnargerð og efnistöku sem samkvæmt 6. gr. og liðum 2a og 13a í 2. viðauka í lögum nr. 106/2000 um mat á umhverfisáhrifum ber að tilkynna til Skipulagsstofnunar til ákvörðunar um matsskyldu.

Umsagnaraðilar, að Náttúruvernd ríkisins og Breiðafjarðarnefnd undanskildum, telja að ofangreind framkvæmd skuli ekki háð mati á umhverfisáhrifum.

Lenging Stórubryggju og efnistaka af sjávarbotni í Grundarfirði er að öllu leyti utan við stórstraumsfjöruborð. Samkvæmt lögum nr. 54/1995, um verndun Breiðafjarðar, ná ákvæði laganna til "eyja, hólma og skerja á Breiðafirði ásamt fjörum". Fyrirhuguð framkvæmd fellur því ekki undir lögin.

Lenging Stórubryggju

Um 1,5 hektara svæði á sjávarbotni, á um 8 -13 m dýpi, framundan núverandi bryggju mun fara undir fyllingu og telur Skipulagsstofnun að hún muni ekki hafa í för með sér umtalsverð umhverfisáhrif með tilliti til liða 1i, 2i, iiib og ivb í 3. viðauka laga nr. 106 /2000 um mat á umhverfisáhrifum. Sjónræn áhrif af hafnargarðinum teljast ekki umtalsverð. Tímabundinn hávaði við niðurrekstur stálþils og vegna umferðar efnisflutningabíla telst ásættanlegur enda verði staðið að niðurrekstri stálþilsins í samræmi við reglugerð nr. 933/1999 um hávaða.

Efnistaka af sjávarbotni í Grundarfirði

Skipulagsstofnun telur að efnistaka af um rúmlega 1 hektara svæði, fyrir botni Grundarfjarðar muni ekki hafa umtalsverð umhverfisáhrif í för með sér með tillit til liða 1i og iii, 2i, iiib og ivb í 3. viðauka laga nr. 106/2000 um mat á umhverfisáhrifum. Flatarmál gryfjunnar verður lítið, hún öll neðan 6 m dýpis og í meira en 150 m fjarlægð frá stórstraumsfjöruborði.

Hafrannsóknastofnunin telur ekki líkur á að veruleg röskun verði á fiskveiðum eða öðrum sjávarnytjum á efnistökusvæðinu. Um sé að ræða malarbotn og því ólíklegt að þar sé til staðar auðugt botndýralíf auk þess sem flatarmál svæðisins sé tiltölulega lítið. Samkvæmt upplýsingum Siglingastofnunar sé ekki búist við því að gryfjan hafi áhrif á strauma eða öldu og áhrif hennar á landi verði óveruleg.

Skipulag og leyfi

Lenging Stórubryggju er ekki í samræmi við gildandi aðalskipulag fyrir Grundarfjörð og þarf að ganga frá breytingu á því. Í gildi er deiliskipulag af svæðinu og kallar lenging garðsins á breytingu á því. Fyrirhugað efnistökusvæði í sjó er utan netlaga og því ekki skipulagsskylt.

Möguleg efnistaka á landi er úr í námu í Efri-Höfða við Rif, sem er í samræmi við Aðalskipulag Snaefellsbæjar, en námur í Mjósundahrauni í Kolgrafarfirði og í Klifi, sunnan við Styttingsnes í Eyrarsveit eru á óskipulögðu svæði. Leita þarf meðmæla Skipulagsstofnunar með veitingu framkvæmdaleyfis vegna efnistöku á landi þar sem skipulag er ekki fyrir hendi,

sbr. 3. tl. bráðabirgðaákvæða skipulags- og byggingarlaga. Minnt er á 48. gr. laga um náttúruvernd um áætlun um efnistöku.

Í samræmi við 6. grein laga um mat á umhverfisáhrifum nr. 106/2000 hefur Skipulagsstofnun farið yfir þau gögn sem lögð voru fram af hálfu framkvæmdaraðila við tilkynningu. Á grundvelli gagna framkvæmdaraðila og að fengnu álti Eyrarsveitar, Náttúruverndar ríkisins, Hafrannsóknastofnunar, Hollstuverndar ríkisins, iðnaðar- og viðskiptaráðuneytis, Þjóðminjasafns Íslands og Breiðafjarðarnefndar er það niðurstaða Skipulagsstofnunar að fyrirhuguð lenging Stórubryggju í Grundarfirði og efnistaka af sjávarbotni í Grundarfirði, vegna þeirrar framkvæmdar skuli ekki háð mati á umhverfisáhrifum.

Samkvæmt 6. grein laga nr. 106/2000 má kæra ákvörðun Skipulagsstofnunar til umhverfisráðherra. Kærufrestur er til 31. janúar 2001.

Hólmfríður Sigurðardóttir

Póroddur F Póroddsson

Afrit.
Umhverfisráðuneytið
Eyrarsveit
Breiðafjarðarnefnd
Náttúruvernd ríkisins
Hafrannsóknastofnun
Hollstuvernd ríkisins
Iðnaðar- og viðskiptaráðuneyti
Þjóðminjasafn Íslands